

皇朝文鑑

皇朝文鑑卷第十四

詩

樂府歌行

雜言附

勞歌

張

耒

江南曲

張

耒

牧牛兒

張

耒

孫彥古畫風雨山水歌

張

耒

于湖曲

張

耒

秋雨歎

許

彥國

觀易元吉猿獐圖歌

秦

觀

豆葉黃

晁

補之

漁家傲

晁

補之

蓮根有長絲

郭

祥正

金山行

郭

祥正

驪山歌

李

廌

築長堤

田

畫

叢臺歌

賀

鑄

五言古詩

戒兒姪八百字

范

質

懷賢詩

王

禹偁

五哀詩

王

禹偁

橄欖

王

禹偁

勸學篇

張

詠

悼蜀詩四十韻

張

詠

愆亢取湫水徵巫覡致禱亟遣罷去越翊

日漸獲優洽

劉

筠

寄岳陽劉從事

韓

丕

溫泉詩

錢

易

夏日山居

种

放

諭蒙詩

种

放

勞歌

張耒

暑天三月元無雨，雲頭不合惟飛土。
深堂無人午睡餘，欲動身先汗如雨。
忽憐長街負重民，筋骸長轂十石弩。
半袖遮背是生涯，以力受金飽兒女。
家牛馬繫高木，惜恐牛驅犯炎酷。
天工作民良父，難誰知不如牛馬福。

江南曲

張耒

江蒲芽白江水綠，江頭花開自幽淑。
人家晨炊欲熟時，旋去網魚惟所欲。
往來送租只用船，未省泥沙曾汗足。
有錢買酒醉鄰畔，終日數口常在目。

學長安貴公卿每遣離心寄朱轂朝游巖廊暮海
島譴人未歸身自逐

牧牛兒

張耒

牧牛兒遠陂牧遠陂牧牛芳草綠兒怒掉鞭牛不
觸澗邊柳古南風清麥深蔽目田野平烏犍礪角
逐草行老牯臥噉飢不鳴犢兒跳梁沒草去隔林
應母時一聲老翁念兒自携餉出門先上岡頭望
日斜風雨濕蓑衣拍手唱歌尋伴歸遠村放牧風
日薄近村牧牛泥水惡珠璣燕趙兒不知兒生但
知牛背樂

孫彥古畫風雨山水歌

張

耒

山深巖高石壁青白日忽變天晦冥黑風驅雲走
不停驚電疾雨來如傾山前雨點大如手下水
湧危槎橫崩崖古樹老有靈吼怒直與風雲爭枝
披葉偃闢不怯萬竅却欲藏雷霆鞭驢疾驅者誰
子石路嶮澀驢凌兢目迷心懾愈走愈不及來憩
樹下如寒蠅蒼茫直與鬼神接恍惚不保龍蛇驚
平居此樂忽入眼孫家古圖才可辨柰何一幅一
尺餘欲奪天地之奇變我心愛之良有以昔若山
行親遇此一生兩足不下堂翰爾朱門貴公子

于湖曲

張耒

蕪湖令寄示溫庭筠湖陰曲其序乃云晉王敦反
屯于湖陰帝微行至其營敦夢日遶之覺而追不
及故樂府有湖陰曲按晉地志有于湖而無湖陰
本記云敦屯于湖又曰帝至于湖陰察營壘而去
予頃遊蕪湖問父老湖陰所在皆莫知之也然則
帝至于湖當爲斷句乃作于湖曲以遺之使正其
是非云

武昌雲旗蔽天赤夜築于湖洗鋒鏑巴滇綠駿風
作蹄去如滅沒來不嘶日圍萬里纏孤壁虜氣如

霜已潛釋虵豕賤士識天顏玉帳髯奴落妖魄君
不見銅駝陌上塵沙起胡騎春來飲瀍水浮江天
馬是龍兒蹙踏揚州開帝里王氣高懸五百秋弄
兵老漚空白頭石城戰骨臥秋草更欲君王分上
流

秋雨歎

許

彥國

霖雨不出動隔旬門前秋草長於人江湖浩渺欲
無岸錦石寂小猶生雲微陽片月何曾見只有莓
苔香筆硯田家黍穗未暇悲茅屋且爲螢火飛

觀易元吉猿獐圖歌

秦

觀

參天老木相樛枝，嵌空怪石銜青漪。兩猿上下一
旁掛，兩猿熟視蒼蛙疑。蕭蕭叢竹山風吹，海棠杜
宇相因依。下有兩獐從兩兒，花飡草嚼含春嬉。藝
老筆精湖海推，書意忘形形更奇。解衣一掃神扶
持，他日自見猶嗟咨。金錢百萬酒千鷄，荆南將軍
欣得之。老禪豪取橐爲垂白，晝掩門初許窺房櫳。
炯炯明冬曦，榛藁羽革分毫釐。殘編未終且歸讀，
歲暮有閒重借披。

豆葉黃

晁

補之

蒹葭蒼蒼豆葉黃，南村不見岡北村。十頃強東家車滿，

箱西家未上場豆葉黃野離離鼠窟之兔入畦豕
母從豚兒豕豚啼咿咿銜角復銜其豆葉黃穀又
熟翁媪衰餽糜粥豆葉黃葉黃不獨豆白黍堪作
酒瓢大棗紅皺豆葉黃穰穰何膻膻腰鎌獨健婦
大男往何許官家散弓刀要汝殺賊去

漁家傲

晁

補之

漁家人言傲城市未曾到生理自江湖那知城市
道晴日七八船熙熙在清川但見笑相屬不省歌
何曲忽然四散歸遠處滄洲微或去後車載藏去
無復在至老不曲躬羊裘行澤中

蓮根有長絲

郭

祥正

蓮根有長絲不供貧女機
柳梢有飛綿不暖寒者衣
朝歌悠悠暮歌短下地沉沉上天遠
東生白日還西流志士長懷萬古愁

金山行

郭

祥正

金山杳在滄溟中雪崖冰柱浮仙宮
乾坤扶持自今古日月髣髴躔西東
我泛靈槎出塵世搜索異境窺神工
一朝登臨重太息四時想像何其雄
卷簾夜閣掛北斗大鯨駕浪吹長空
舟摧岸斷豈足數徃徃霹靂鎚蛟龍
寒蟾八月蕩搖海秋光上下

磨青銅鳥飛不盡暮天碧漁歌忽斷蘆花風蓬萊
久聞未成往壯觀絕致遙應同潮生潮落夜還曉
物與數會誰能窮百年形影浪自苦便欲此地安
微躬白雲南來入我望又起歸興隨征鴻

驪山歌

李 廌

君門如天深九重君王如帝坐法宮人生難處是
安穩何爲來此驪山中複道連雲接金闕樓觀隱
煙橫翠紅林深谷暗迷八駿朝東暮西勞六龍六龍
西幸峨眉棧悲風便入華清院霓裳蕭散羽衣空麋
鹿來遊墟市變我上朝元春半老蒲地落花人不

掃羯鼓樓高掛夕陽長生殿古生青草可憐吳楚
兩醯鷄築臺未就已堪悲長楊五柞漢幸免江都
樓成隋自迷由來流連多喪德宴安鳩毒因奢惑
三風十愆古所戒不必驪山可亡國

築長堤

田 畫

築長堤白頭荷杵隨者妻背脅偃僂筋力微以手
置胷路旁啼老夫七十嫗與齊五尺應門生兩兒
夜來春雨深一犁破曉徑去耕南陂南隣里正豪
且強白紙大字來呼追科頭跣足不得稽要與官
長脩長堤官長亦大賢能得使者意正堤駕輶軒

不復問餘事終當升諸朝自足富妻子何惜桑榆
年一爲官長死

叢臺歌

賀

鑄

累土三百尺流光二千年人生物數不相待摧頽
故址秋風前武靈舊壠今安在禿樹無陰困樵采
玉簫金鏡未銷沉幾見耕夫到城賣君不聞叢臺
全盛時綺羅成市遊春輝一從凋輦閉荒草蕭散
行雲無復歸招魂想像風流在晴華露蔓猶依稀
紆棘逕撩人衣禾黍晚成貉貉肥層簷壁瓦碎平
地夢作鴛鴦相伴飛登臨弔古將語誰城郭人民

今是非指君看取故時物南有清流西翠微彷徨
華表不忍去豈獨遼東丁令威

五言古詩

誠兒姪八百字

范質

昨得謝課書希於京秩之中更與遷轉余以諸兒
姪輩生長以來未諳外事艱難損益懵然莫知因
抒古詩一章曉之

去年初釋褐一命列蓬丘

謂謝課

青袍春草色白紵

棄如仇適會龍飛慶王澤天下流爾得六品階無
乃太爲優凡登進士第四選昇校讎歷官十五考

叙階與爾儔如何志未滿意欲陵雲遊若言品位
卑寄書來我求省之再三歎不覺淚盈眸吾家本
寒素門地寡公侯先子有令德樂道尚優游生逢
世多僻委順信沉浮仕宦不喜達吏隱同莊周積
善有餘慶清白爲貽謀伊余奉家訓孜孜務進修
夙夜事勤肅言行思悔尤出門擇交友防愼畏薰
蕕省躬常懼玷恐掇庭闈羞童年志于學不憤爲
箕裘二十中甲科頰尾化爲虬二十三進士及第今舉全數三
十入翰苑時三步武向瀛州四十登宰輔年四紹
冠侍冕旒備位行一紀將何助帝猷旣非救旱雨